



**Si është**

# PERËNDIA

## **Pjesa e parë**

peshqit dhe kafshët. Perëndia krijoi burrin dhe gruan e parë.

**Pse na krijoi Perëndia?** Ne u krijuam për të dashur Perëndinë dhe për t'iu dashur prej Tij. Ai na njeh dhe do çdonjërin prej nesh.

**Perëndisë i pëlqen shumë** kur ne dëshirojmë ta njohim dhe ta duam Atë. Gjëja më e mirë që mund të bëjmë, është të njohim dhe duam Perëndinë. Kjo do të na bëjë me të vërtetë të lumtur.

**Në këtë mësim.....**do të shohim se çfarë na thotë Bibla rreth Perëndisë. Ne do të mësojmë pesë gjëra të rëndësishme rreth Zotit tonë të mrekullueshëm, i cili na do aq shumë.

### **I dashur mik!**

A i keni bërë ndonjëherë pyetjen vetes, si është Perëndia?

Perëndia është kaq i madh dhe i mrekullueshëm aq sa ne nuk mund të dimë gjithçka rreth Tij. Por Perëndia na ka dhënë një libër të mrekullueshëm i cili na tregon gjithçka rreth Tij.

**Cili është ky libër?** Ky libër është Bibla, Fjala e Perëndisë. Bibla na tregon se Perëndia krijoi gjithçka. Ai krijoi diellin dhe hënën. Ai krijoi me miliona yje që xixëllojnë natën në qiell. Perëndia krijoi tokën. Perëndia krijoi zogjtë,

## Perëndia

### është Person

**Ka vetëm një Perëndi** – i gjalli dhe i vërteti Perëndi. Ai tha, “Unë jam Zoti, dhe nuk ka asnjë tjetër, jashtë Meje nuk ka Perëndi...” (Isaia 45:5)

Perëndia nuk është një “rrymë”. Ai është një Person i gjallë, i cili njeh dhe do secilin prej nesh. Zoti i pëlqen kur ne dëshirojmë ta njohim Atë. Mbi të gjitha, Perëndia dëshiron që ne ta duam Atë me gjithë zemrën tonë.

## Perëndia

### është Frymë

**Edhe pse Perëndia është një Person**, Ai nuk ka një trup si i yni. Perëndia është Frymë. Ne nuk mund të shohim atë që është frymë. Kur Zoti të krijoi, Ai të dha një trup. Gjithashtu, Ai të dha edhe frymë.

Fryma jote jeton në trupin tënd. Njerëzit mund të shohin trupin tënd, por nuk mund të shohin frymën tënde. **Perëndia është vetëm Frymë.** Kjo është arsyeja pse ne nuk mund ta shohim Atë. Perëndia na thotë që të mos bëjmë asnjë figurë që përfaqëson Atë. Ai na thotë që të mos adhurojmë asnjë figurë. Bibla thotë, “Perëndia është Frymë, dhe ata që e adhurojnë Atë, duhet ta adhurojnë në Frymë dhe në të vërtetë.” (Gjoni 4:24) **Edhe pse ne nuk mund ta shohim Atë, Perëndia është i vetmi Perëndi i gjallë dhe i vërtetë.** Ai dëshiron që ne ta njohim Atë. Kur ne e njohim Perëndinë, ne do ta duam Atë. Dhe, kur ne e duam Atë, do të duam t’i bindemi Atij.

## Perëndia

### është i Lavdishëm

**Lavdia e Perëndisë është kaq vezulluese**, aq sa ne nuk do të guxonim ta shihnim Atë. Ne nuk mund ta shohim diellin kur ai ndriçon fuqishëm, sepse ai na vret sytë. Nëse do ta shihnim atë për një

kohë të gjatë, do të humbisnim shikimin. **Lavdia e Perëndisë është më e madhe dhe më vezulluese se ajo e diellit.** Kjo është arsyeja pse ne nuk mund ta shohim Atë. Perëndia ka thënë, “Asnjë njeri nuk mund të më shohë mua dhe të jetojë...” (Eksodi 33:20).

**Bibla na tregon për një njeri me emrin Moisi.** Ai ishte një mik i veçantë i Perëndisë. Ai bisedonte me Perëndinë dhe Perëndia fliste shpesh me të. Por Moisiu nuk e pa kurrë Perëndinë.

Një ditë Moisiu i drejtoi Perëndisë një kërkesë të veçantë. Ai i tha, “Të lutem më trego lavdinë Tënde” (Eksodi 33:18).

**Perëndia i tha Moisiut,** “Ti nuk mund ta shohësh fytyrën Time, sepse asnjë njeri nuk mund të më shohë mua dhe të jetojë. Por Unë do të fsheh ty mes shkëmbinjve dhe pastaj do të kaloj pranë teje.”

**Moisiu u ngjit i vetëm në mal.** Perëndia e fshehu atë mes shkëmbinjve. Pastaj Ai bëri që lavdia e Tij të kalojë pranë Moisiut. Moisiu nuk e pa Perëndinë, por ai pa fare pak nga lavdia e Perëndisë. Kjo bëri që fytyra e tij të shndriste me të njëjtin shkëlqim si ai i diellit. **Kur Moisiu zbriti nga mali,** fytyra e tij ishte kaq e shndritshme, sa që njerëzit kishin frikë prej tij. Kjo është arsyeja pse Moisiu dhe njerëzit thanë, “Kush barazohet me ty midis perëndive, o Zot?... I mrekullueshëm në shenjtëri?” (Eksodi 15:11)



## **Perëndia është i Shenjtë**

dritë dhe në të nuk ka kurrfarë errësire.” (1 Gjonit 1:5)

**Perëndia është gjithë dritë dhe lavdi.** Perëndia është i pastër. Ai nuk mëkaton kurrë dhe bën gjithmonë gjëra që janë të mira dhe të drejta. Para Tij s’mund të qëndrojë asgjë mëkatore. Bibla thotë, “Zoti, Perëndia ynë është i shenjtë.” (Psalmi 99:9)

**Kjo do të thotë se Perëndia është i pastër dhe i përsosur,** pa asnjë mëkat. Në Bibël, ndonjëherë errësira personifikon mëkatin. Bibla thotë për Perëndinë, “Perëndia është

**Dikur Perëndia i foli me anë të një vegimi një profeti të quajtur Isaia. Një vegim është si një ëndërr. Isaia pa një vegim të Perëndisë dhe të fronit të Tij. Rreth këtij fronti kishte shumë ëngjëj, duke e lavdëruar Perëndinë dhe duke thënë: “ I Shenjtë, i Shenjtë, i Shenjtë, është Zoti i ushtrive. Tërë toka është e mbushur me lavdinë e Tij”. (Isaia 6:3)**



**Kur Isaia pa këtë vegim të Perëndisë, ai u frikësua. Vegimi i tregoi atij që ishte një mëkatar dhe Perëndia është i shenjtë.**

## **Perëndia është Dashuri**

**Kjo tregon që Perëndia na do dhe dëshiron vetëm të mirën tonë.**

**Si e dimë ne që Perëndia na do ?  
Ne dimë dy rrugë:**

### **1. Vetë Perëndia e tha këtë. Në**

Fjalën e Tij Perëndia thotë. « unë të kam dashur me një dashuri të përjetshme ... » (Jeremia 31 :3); **2. Perëndia dha Birin e Tij për të marrë dënimin për mëkatin tonë.**

**Perëndia e tregoi dashurinë e Tij të madhe për ne duke flijuar Birin e Tij, Zotin Jezus Krisht që vdiq në kryq për mëkatet tona. për të gjithë gjërat e këqija që kemi thënë apo bërë. Bibla thotë : « Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne. » (Romakëve 5 :8). **Ti mund të mendosh: «A i di Zoti gjithë gjërat e këqija që kam thënë dhe kam bërë ?» Po. Perëndia di gjithçka, por megjithatë Ai të do me gjithë zemër. Ai të do në çdo minutë të jetës tënde. Zoti Jezus vdiq për mëkatet e mia. Ai vdiq për mëkatet e tua. Por Ai nuk mbeti i vdekur. Ai u ringjall nga të vdekurit ditën e tretë. Ai është Shpëtimtari ynë i gjallë. Zoti dëshiron që ti të besosh në të sepse Ai është i vetmi që vdiq për mëkatet e tua dhe u ringjall nga të vdekurit për t'u bërë Shpëtimtari yt.****


A e di se çfarë dëshiron më shumë Zoti që ti të bësh? Ai dëshiron që tit a duash Atë me gjithë zemrën tënde!

Perëndia është shumë i kënaqur kur ti vendos ta duash Atë me gjithë zemrën tënde! Mbreti David ishte një njeri i madh i Perëndisë në Bibël. Ai ka thënë: “Unë do të dua Ty, o Perëndi!” Kjo e kënaqi shumë Perëndinë. Perëndia do të kënaqet shumë edhe kur ti të vendosësh ta duash Atë, ashtu siç e deshi Davidi. Ja një lutje që do të të ndihmojë:

“Perëndi i dashur, jam shumë i lumtur që Ti dëshiron prej meje që unë të të dua. Unë dëshiroj të të dua me gjithë zemrën time. Faleminderit Perëndi, që më deshe aq shumë, sa që dërgove Birin Tënd, Zotin Jezus Krisht, që të vdesë i kryqëzuar për mëkatet e mia.”

A dëshiron që të bëhesh pjesëtar i një klubi të mrekullueshëm dhe të mësosh më shumë rreth Perëndisë? Ajo që duhet të bësh është, të lexosh mësimin, të plotësosh fletëpërgjigjen, dhe të na e dërgosh atë përsëri. Kështu, ti do të bëhesh pjesëtar i Klubit “Kutia Postare”, ashtu si edhe mijëra vajza dhe djem të tjerë në gjithë botën.

Ne do të bëjmë vlerësimin dhe do ta dërgojmë atë bashkë me mësimin e ardhshëm. Kur ti të kesh mbaruar 10 mësimet, ne do ta dërgojmë atë bashkë me një certifikatë me emrin tënd.




Të lutemi, të na dërgosh përgjigjet e tua sa më shpejt! Ne dëshirojmë që ti të bëhesh pjesëtar i Klubit “Kutia Postare”!

## vargu im për mendësh



# Kërkimi i thesarit




Përdor kodin sekret për të gjetur



## Kodi sekret

A	○	I	⊗	R	⊖
D	⊙	J	⊘	T	⊕
E	⊖	M	⊗	Th	⊕
Ë	⊖	N	⊙	U	⊕
Gj	⊕	O	⊙	Z	⊗

### Zbulo thesarin



⊙ ⊕ ○ ⊘ ⊖ ⊗ ⊙ ⊕ ⊖ ⊘ ⊙ ⊗ ⊖

\_\_\_\_\_

⊕ ⊘ ⊕ ⊖ ⊗ ⊖ ⊗ ⊕ ⊖ ⊖ ⊙ ⊖ ⊕ ⊙ ⊕

\_\_\_\_\_

**“SI MUND  
TË BËHEM  
NJË FËMIJË I  
PERËNDISË?”**

- A** – Prano që ti je një mëkatar.  
**B** – Beso në Jezusin si i vetmi që vdiq për mëkatet e tua.  
**C** – Eja tek Zoti Jezus dhe pranoje Atë si Shpëtimtarin tënd.

*“Zoti Jezus, më vjen vërtetë keq për mëkatet e mia. Unë besoj që Ti je Biri i Perëndisë dhe që Ti ke vdekur për mëkatet e mia. Tani, unë të pranoj Ty si Shpëtimtarin tim dhe e di që ky është vendimi më i mirë për mua”.*

# FLETA E PYETJEVE

## EKSPLORUESIT I – MËSIMI I

UDHËZIME: ZGJIDH PËRGJIGJEN MË TË MIRË – A OSE B.  
Shkruaje atë në katrorin e dhënë.

**Shembull: Qielli është vendi ku**

**b**

- a. Ka pak mëkat.
- b. S'ka mëkat.

### 1. Si është Perëndia?

- a. Perëndia është një "rrymë" për të mirën e universit.
- b. Perëndia është një person i gjallë që na njeh dhe na do.

### 2. Ne nuk e shohim dot Perëndinë sepse

- a. Perëndia është frymë dhe ne nuk mund të shohim dot atë që është frymë.
- b. Perëndia është aq larg sa ne nuk e shohim dot Atë.

### 3. Kur Bibla thotë që Perëndia është i shenjtë, do të thotë që

- a. Perëndia është shumë i mirë.
- b. Perëndia është i pastër dhe i përsosur, në të nuk ka asnjë mëkat.

### 4. Unë e di që Perëndia më do mua sepse

- a. Ai dha Birin e Tij për të vdekur për mëkatet e mia.
- b. Unë e ndjej që Ai më do.


### 5. Cfarë dëshiron më shumë Perëndia që unë të bëj?

- a. Perëndia dëshiron prej meje që unë ta dua Atë me gjithë zemrën time.
- b. Perëndia dëshiron prej meje që unë të bëj shumë gjëra për Të.

Shkruaj vargun që duhet  
të mbash mend:

Shkruaj në

**Thesarin e  
Zbuluar**



Emri \_\_\_\_\_ Ditëlindja \_\_\_\_ / \_\_\_\_ / \_\_\_\_ Mosha \_\_\_\_ Klasa \_\_\_\_\_

Mbiemri \_\_\_\_\_

Adresa \_\_\_\_\_